

朔方備乘

朔方備乘卷第二十

考十四

北徼邑居考敘

臣秋濤謹案一統志異域錄並云俄羅斯國各處有城堡名曰柏興猶中國州縣大者兵民數百或千餘小者纔一二百設頭目一人管轄四裔考曰蒙古語謂民居爲拜姓俄羅斯與蒙古鄰接疑卽其轉音卽明人所云板升者也按拜姓亦作拜星亦作拜商皆由譯字偶殊至內府

輿圖載俄羅斯諸柏興亦有作噶珊者考滿洲語稱鄉村爲噶珊名雖有殊其實則一又海國圖志載俄羅斯諸邑名與他書所載多異今合而輯之庶便於稽考云

柏興

臣秋濤謹案柏興拜商噶珊本同一類然內府圖載拜商六處噶珊五十七處一圖之中譯字各異似當各有取義未可遽合爲一也今悉依原文具載以稱柏興者彙於一處稱

拜商者次之稱噶珊者又次之其稱邑者列於後庶便於檢查云

### 楚庫柏興

臣秋濤謹案楚庫柏興亦作楚庫拜商亦作楚庫拜星在中國恰克圖之北約四百里異域錄曰楚庫柏興係俄羅斯國界相隔我國喀爾喀部長台吉車陵扎布之邊界博拉地方二百餘里其間皆山不甚大沿途皆林藪惟有杉松樺樹而已色楞格河寬四五十丈

不等水清溜急自西南向東北而流楚庫河  
來自東南流至柏興之南十里外歸色楞格  
河沿岸皆叢柳櫻菓榆樹二河交匯處有俄  
羅斯收貯貨物倉房十餘間居舍數間皆樓  
房用大木營治河內有船二十餘隻其船頭  
聳尾齊寬丈餘長七八丈不等自二河交匯  
處以北十里外色楞格河之東岸有大木營  
治樓房百餘間無城垣四面皆山此處俄羅  
斯與蒙古人等二百餘戶相雜散處有天主

堂三座小舟艇數百隻設管轄柏興頭目一員駐兵二百名

烏的柏興

臣秋濤謹案烏的柏興亦作烏德拜商以烏的河爲名漢時匈奴北境有烏揭國蓋卽此地異域錄曰烏的柏興在楚庫柏興之東北相去二百餘里山高大多林藪色楞格河邊寬闊之處間有田畝色楞格河自西南流過柏興向西北而流烏的河自東南來於柏興

之西繞流歸入色楞格河四面皆山無城垣  
此處俄羅斯與蒙古人等二百餘戶雜處駐  
兵二百名設管轄柏興頭目一員有天主堂  
二座

那里穆柏興

臣秋濤謹案那里穆柏興當在瑪古斯歸和  
屯西瑪古斯歸卽異域錄之麻科斯科也據  
圖有小河名訥里謨瓦河自窩集內發源南  
流注於達格河達格河卽揭的河也訥里謨

瓦卽那里穆柏興當在此河之旁而圖失載  
當依異域錄補之異域錄曰那里穆柏興在  
麻科斯科之西北其間水程二千五百餘里  
鄂布河自東南流來過柏興向西北而流大  
於伊聶謝河揭的河來自東南流至柏興附  
近歸入鄂布河居住四五十戶俱俄羅斯有  
天主堂二座設管轄柏興頭目一員無兵

伊聶謝柏興

臣秋濤謹案伊聶謝柏興卽圖之惹尼色斯



歸和屯說詳城垣考

蘇爾呼忒柏興

臣秋濤謹案蘇爾呼忒柏興卽圖之蘇爾古

特和屯說詳城垣考

拜商

伊談珠拜商

臣秋濤謹案伊談珠拜商一作伊坦珠一作

衣攤朮以水爲名東有大山西有色楞格河

北有巴爾古錫穆河南有伊坦珠河伊坦珠

河出東南山中流至拜商西南入色楞格河  
烏德拜商

臣秋濤謹案烏德拜商卽烏的柏興已見前  
伊拜商

臣秋濤謹案伊拜商與中國接界東有陽阿  
林爲楚庫河所出西與南皆至楚庫河逾河  
卽中國境也

楚庫拜商

臣秋濤謹案楚庫拜商卽楚庫柏興已見前

鄂伯爾齊都勒拜商

臣

秋濤謹案鄂伯爾齊都勒拜商西臨楚庫河逾河爲中國界南至伊拜商

阿穆哈拜商

臣

秋濤謹案阿穆哈拜商東臨阿穆哈河阿穆哈河卽中國之克穆河又有阿努河自中國來合於阿穆哈河其合流處在拜商東拜商北至瑪古斯歸和屯南至烏邁圖拉

噶珊

佳達刮噶珊

臣秋濤謹案佳達刮噶珊在郭列穆瑪河入  
北海處噶珊北臨海西臨河東北至博特錫  
倭爾斯歸和屯西南至德爾吉郭列穆斯歸  
和屯

集敏噶噶珊

臣秋濤謹案集敏噶噶珊在衛底穆河西列  
訥河東有巴多瑪徐噶雅河發源噶珊之西  
西北流入列訥河

鄂爾佛拉特噶珊

臣秋濤謹案鄂爾佛拉特噶珊在倭爾郭任  
斯歸和屯東北噶珊東臨列訥河北臨古達  
河

格勒噶珊

臣秋濤謹案格勒噶珊在列訥河發源處南  
有大山隔山卽白哈爾湖

米德里斯克噶珊

臣秋濤謹案米德里斯克噶珊在列訥河西

岸北有郭瓦倭河南有粗存河

噶們噶噶珊

臣秋濤謹案噶們噶噶珊在惹尼色斯歸和

屯東南噶珊西有噶們噶河北流合於色楞

格河

鄂羅錫金噶珊

臣秋濤謹案鄂羅錫金噶珊在瑪古斯歸和

屯西有達格河源出噶珊之東流遶其北

穆納薩爾噶珊

臣秋濤謹案穆納薩爾噶珊在鄂羅錫金噶珊西噶珊北有達格河卽異域錄所云揭的河也

色爾日噶珊

臣秋濤謹案色爾日噶珊在穆納薩爾噶珊西噶珊北有達格河

納生斯噶珊

臣秋濤謹案納生斯噶珊南與中國所屬之亨吉泊相直東有哈屯河發源中國西北流

入額爾齊斯河西有色畢河

蘇斯德必噶珊

臣秋濤謹案蘇斯德必噶珊東北至阿巴圖  
拉南逾哈屯河至納生斯噶珊西逾哈屯河  
至博蘇噶珊

博蘇噶珊

臣秋濤謹案博蘇噶珊東至蘇斯德必噶珊  
西至吉爾日斯噶珊北至哈屯河南至沙拉  
哈爾海



吉爾日斯噶珊

臣秋濤謹案吉爾日斯噶珊東至博蘇噶珊南至汗阿林西有無名河北流入於哈屯河

德勒尼特斯噶珊

臣秋濤謹案德勒尼特斯噶珊東北有哈屯河北流合於鄂必河西南有惹謨斯夸湖

瓦欣阿噶珊

臣秋濤謹案瓦欣阿噶珊東逾鄂必河至格野斯歸和屯北逾鄂必河至納隆和屯西有

瓦欣阿河北流入鄂必河

羅納郭昂噶珊

臣秋濤謹案羅納郭昂噶珊東有瓦欣阿河

北有鄂必河二河合於噶珊東北

瑪齊木噶珊

臣秋濤謹案瑪齊木噶珊西有噶錫穆噶河

東有鄂必河二河合於噶珊之北

格里穆噶穆噶珊

臣秋濤謹案格里穆噶穆噶珊西至額爾齊

斯河南至薩林噶珊

薩林噶珊

臣秋濤謹案薩林噶珊北至格里穆噶穆噶  
珊南逾鄂必河至薩瑪羅特和屯鄂必河至  
噶珊西南合於額爾齊斯河

色瑪斯噶珊

臣秋濤謹案色瑪斯噶珊西逾額爾齊斯河  
至格倫錫甘噶珊南逾額爾齊斯河至索噶  
爾噶珊

索噶爾噶珊

臣 秋濤謹案索噶爾噶珊西北至格倫錫甘

噶珊西南至訥特斯噶爾古噶珊東臨額爾

齊斯河

惹底噶珊

臣 秋濤謹案惹底噶珊東臨額爾齊斯河逾

河至薩林噶珊

訥特斯噶爾古噶珊

臣 秋濤謹案訥特斯噶爾古噶珊東北至索

噶爾噶珊西南至郭特斯歸和屯東臨額爾齊斯河

格倫錫甘噶珊

臣秋濤謹案格倫錫甘噶珊東逾額爾齊斯河至色瑪斯噶珊東南至索噶爾噶珊西北至巴拉索瓦和屯

伯蘇噶珊

臣秋濤謹案伯蘇噶珊東至郭斯郭薩和屯西逾額爾齊斯河至郭特斯歸和屯

羅郭衛噶珊

臣秋濤謹案羅郭衛噶珊東北逾額爾齊斯河至惹薩克吉和屯東南逾作爾納雅河至巴拉索瓦和屯北至阿布定噶珊

阿布定噶珊

臣秋濤謹案阿布定噶珊在額爾齊斯河入北海處北濱海東濱河

倭克噶珊

臣秋濤謹案倭克噶珊南逾額爾齊斯河至

底穆彥斯歸和屯北至袞達河西南至甘薩  
穆噶珊

瓦噶噶珊

臣秋濤謹案瓦噶噶珊東至多拉和屯西至  
阿傅瑪克噶珊南臨額爾齊斯河

甘薩穆噶珊

臣秋濤謹案甘薩穆噶珊東北至倭克噶珊  
南逾額爾齊斯河至底穆彥斯歸和屯

伊斯噶爾噶珊

臣秋濤謹案伊斯噶爾噶珊東北至羅郭衛  
噶珊南臨作爾納雅河

阿傅瑪克噶珊

臣秋濤謹案阿傅瑪克噶珊東至瓦噶噶珊  
西至瓦都歸和屯南臨額爾齊斯河

多爾噶惹爾噶珊

臣秋濤謹案多爾噶惹爾噶珊北逾額爾齊  
斯河至瓦都歸和屯東至伊順斯歸和屯

鄂達巴里噶珊



臣秋濤謹案鄂達巴里噶珊東南北三面皆老林窩集也東南數百里逾額爾齊斯河至托博爾和屯西北數百里至伊斯瑪和屯

達傅達噶珊

臣秋濤謹案達傅達噶珊東北至鄂達巴里噶珊西北至郭蘇特斯歸和屯

古斯達雅噶珊

臣秋濤謹案古斯達雅噶珊在勒拉河之北噶珊東南至羅斯衛斯歸和屯西北至索里

噶穆斯歸和屯

博和穆噶珊

臣秋濤謹案博和穆噶珊東北至古斯達雅  
噶珊西南至瓦爾郭都里雅和屯

德都爾噶珊

臣秋濤謹案德都爾噶珊東南北三面俱臨  
倭爾噶河卽佛爾格河也東逾河至薩瑪拉  
和屯

烏薩噶珊

臣秋濤謹案烏薩噶珊東北兩面俱臨倭爾噶河其西南皆老林窩集也

巴達雅噶珊

臣秋濤謹案巴達雅噶珊南臨倭爾噶河東南逾河至烏薩噶珊

索爾拉噶珊

臣秋濤謹案索爾拉噶珊東至額集爾河西至襍里和屯

惹爾納襍噶珊

臣秋濤謹案惹爾納襍噶珊東北至襍里和屯西南至薩爾噶珊

薩爾噶珊

臣秋濤謹案薩爾噶珊東北至惹爾納襍噶珊南至索啻克薩爾噶珊

索啻克薩爾噶珊

臣秋濤謹案索啻克薩爾噶珊北至薩爾噶珊南至古里克三噶珊西至敦河

古里克三噶珊

臣秋濤謹案古里克三噶珊西臨敦河北至

索啻克薩爾噶珊

色菲阿斯噶噶珊

臣秋濤謹案色菲阿斯噶噶珊東北至德都

斯和屯西北至噶贊和屯卽喀山也

畢斯達賴惹噶珊

臣秋濤謹案畢斯達賴惹噶珊南臨敦河西

臨多訥特斯河逾河至格里博根和屯

佛德勒必宋達噶珊

臣秋濤謹案佛德勒必宋達噶珊在法色河入黑海處西北臨河西南臨海

巴瑪拉噶珊

臣秋濤謹案巴瑪拉噶珊東北至謨斯夸國都西南至德爾必郭傅和屯

多倭爾噶珊

臣秋濤謹案多倭爾噶珊南北各有河至噶珊東合流爲格勒斯瑪河下游入倭爾噶河若安郭羅特噶珊

臣秋濤謹案若安郭羅特噶珊北濱波羅的海西逾河至訥爾瓦和屯

斯郭羅傅噶珊

臣秋濤謹案斯郭羅傅噶珊東與南皆臨涅博爾河東北逾河至因斯拉傅和屯

訥生噶珊

臣秋濤謹案訥生噶珊東北至巴圖林和屯西南至博斯羅和屯

德爾博特噶珊

臣秋濤謹案德爾博特噶珊東北臨博斯布湖逾湖至訥爾瓦和屯

郭賴噶珊

臣秋濤謹案郭賴噶珊北與西皆臨涅博爾河逾河東北行至斯郭羅傅噶珊

多爾斯布爾噶珊

臣秋濤謹案多爾斯布爾噶珊北臨波羅的海東直訥爾瓦和屯

薩里斯噶珊



臣秋濤謹案薩里斯噶珊西北臨波羅的海  
東北沿海至博爾訥和屯

附錄諸邑

臣秋濤謹案邑卽拜商噶珊也攷魏源海國  
國志載俄羅斯圖所列諸邑與內府圖所列  
拜商噶珊名多不同彼此互異難以強合蓋  
由譯字之殊或有更改皆未可知謹附著於  
後以資攷證其敘次仍自東而西便於檢查  
云

朱馬邑

臣秋濤謹案朱馬邑東直大拉該海西直荷  
葛斯克城

立尋邑

臣秋濤謹案立尋邑在拜刺湖之東其東與  
尼爾城相望

古亞西邑

臣秋濤謹案古亞西邑東南直額爾古克城  
西直級納邑蓋科利弗部所屬也

朔方備乘

卷二十

北徽邑居考

七

級納邑

臣秋濤謹案級納邑東直古亞西邑西直巴那爾城南直西安邑

西安邑

臣秋濤謹案西安邑東直額爾古克城西直巴里邑北直級納邑南直中國喀爾喀界

巴里邑

臣秋濤謹案巴里邑東直西安邑西直烏塔鄰邑北直巴那爾城南直中國喀爾喀界

烏塔鄰邑

臣秋濤謹案烏塔鄰邑東直巴里邑西直哈薩克界北直雜米夜蘭城南直中國喀爾喀界

圩屈邑

臣秋濤謹案圩屈邑東直華尼西河西直易武邑北直惡開牙港南直都莫斯部

阿士羅邑

臣秋濤謹案阿士羅邑東直惡開牙港西直

米里續邑北直甲拉港南直圩屈邑

甲路土邑

臣秋濤謹案甲路土邑東直圩屈邑西直烏拉嶺北直易武邑南直甲塔鄰城

易武邑

臣秋濤謹案易武邑東直圩屈邑西直烏拉嶺北直土鄰邑南直甲路土邑

土鄰邑

臣秋濤謹案土鄰邑東直圩屈邑西直烏拉

嶺北直璧鄰邑南直易武邑

璧鄰邑

臣秋濤謹案璧鄰邑東直圩屈邑北境西直  
烏拉嶺北直米里續邑南直土鄰邑

米里續邑

臣秋濤謹案米里續邑東直阿土羅邑西直  
莫斯窪國都北直大山南直璧鄰邑

波束邑

臣秋濤謹案波束邑東直莫斯窪國都西直

魯西國北直瓦黑特海南直小俄羅斯接方隅當卽今所稱波蘭部東字蓋蘭字之脫誤也

朔方備乘卷二十

知縣吳壽坤初校  
舉人胡景桂覆校

朔方備乘卷第二十一

考十五

良維窩集考敘

臣秋濤謹案東北方曰良維吉林黑龍江二省實居良維之地山水靈秀拱衛

陪京其間有曰窩集者蓋大山老林之名良由地氣深厚物產充盈故材木不可勝用洵所謂神皋陸海也然窩集不僅稱富饒並足以資防衛蓋自黑龍江以西皆設喀倫爲界獨吉林等處



東限於海北接俄羅斯邊界數千里初未設立  
喀倫惟賴窩集之險以限戎馬之足其興安嶺  
以北俄羅斯境亦多窩集地氣苦寒人跡罕到  
從古部落之居於是者非務游牧卽事採捕以  
故深山林木鮮羅斧斤之患而數千百里絕少  
蹊徑較之長城巨防尤爲險阻伊古以來多以  
窩集爲部落之名良有以也因詳徵其事以備  
覽觀云

窩集總載

聖祖仁皇帝御製文集曰窩集東至海邊接連烏拉黑龍江一帶西至俄羅斯或寬或狹叢林密樹鱗次櫛比陽景罕曜如松柏及各種大樹皆以類相從不雜他木林中落葉常積數尺許泉水雨水至此皆不能流盡爲泥滓人行甚難有熊及野豕貂鼠黑白灰鼠等物皆資松子橡實以爲食又產人參及各種藥料人多不能識者蓋與南方湖廣四川相類

高宗純皇帝御製窩集行日履山念無海泛水忘有陸今茲識窩集萬彙唯一木江南塞北攬概頻豈無林

箐皆子孫東方甲乙稟靈秀固應富有植類羣始從  
苾虜入麓口漸進蕭森失見後祇容線隙露天光馬  
弗敢旁遵路走不能婁舉丹黃青亦有翻書莫辨名  
爾雅所記限方域安能到此杞宋徵參天蔽虧絕飛  
鳥其下菁英茁仙草落葉布地似黃金疑是長者來  
問道華嚴海會諸佛處一菩薩一菩提樹心花顯映  
多吉祥世塵遠隔如雲霧宇宙以來便有此大椿扶  
桑非其比定應默煩靈祇呵不知遞閱人代幾陰晴  
變幻光怪奇谷神出巧能爾爲畫師未可形容擬大

匠詎敢斤斧斯初經與壤心神清色惟真色聲真聲  
欲笑嵇含花木疏點筆聊爲窩集行

高宗純皇帝御製駐蹕庫勒訥窩集口詩曰窩集夫何  
許遙瞻已不凡真堪稱樹海乍可悟華嚴紫翠紛間  
柯龍蔥鎖粵巖恰如望瀛渤未飲早知鹹

高士奇日錄云烏稽中皆喬松及樺柞樹間有  
榆椴鱗接虬蟠纓山帶澗蒙密紛糾白晝晦暝  
霜旦葉凋略見曦月樹根亂石礫碗錯落疑無

道路

臣秋濤謹案  
烏稽卽窩集

柳邊紀略曰自混同江至甯古塔窩稽凡二日

那木窩稽

一作諾木阿機一作納木阿機明初置納木河衛萬曆三十八年庚戌十

一月

大清

曰色出窩稽

一作色赤阿機通志作色齊窩集

額宜都取之

那木窩稽四十里色出窩稽六十里各有嶺界

其中萬木參天排比聯絡間不容尺近有好事

者伐山通道乃漏天一綫而樹根盤錯亂石坑

呀秋冬則冰雪凝結不受馬蹄春夏高處泥淖

數尺低處匯爲波濤或數日或數十日不得達

蚊虻之類攢嗜人馬馬畏之不前有死者乃焚

青草聚煙以驅之夜據木石燎火自衛山魃野  
鬼嘯呼墮人心膽餒則咽乾糧或射禽獸燒而  
食之糧盡又無所得久之水不涸則死矣凡人  
窩稽者必挂一物於樹言笑不敢苟若齋然否  
則多踏蹬或曰山神爲祟云

甯古塔紀略載吳兆騫自甯古塔赦歸行二日  
過石頭甸子第三日進大烏稽松林千里無際  
皆太古時物車馬橫過六十里不見天日微風  
震撼濤聲澎湃啼鳥號颺略不畏人初入林口

行人各取身旁小物懸樹以敬神夕宿嶺下滿  
兵取大樹皮二三片闊丈餘鋪如船篷可容坐  
臥取所獵獐鹿炙割而食夜半忽聞怪聲山摧  
地裂乃千年枯樹摧折之聲也第五日復過小  
烏稽三十里如前狀

黑龍江外紀曰山中林木蒼蔚水澤沮洳之區  
號窩集黑龍江境內著名窩集四曰巴延窩集  
庫穆爾窩集巴蘭窩集吞窩集見幕府圖籍而  
盛京通志不載然通志稱甯古塔城東北六

百五十里混同江北有巴蘭窩集稍東百餘里有吞窩集則圖籍似誤通志又稱齊齊哈爾城東七百五十里有巴蘭河稍東三百里有吞河並南流入混同江夫窩集河水所源河在齊齊哈爾而以窩集屬甯古塔何相距之懸遠耶

### 窩集國名考

滿洲源流考曰謹案兩漢晉魏時國於東方者爲夫餘挹婁三韓其邑落散處山海間者又有沃沮濊等名以史傳核之沃沮之在東者東濱



大海北接挹婁夫餘又有北沃沮南沃沮並皆  
散處山林無大君長所云單單大嶺卽長白山  
單單與滿洲語珊延音固相近也今自長白附  
近東至海邊北接烏拉黑龍江西至俄羅斯叢  
林密樹綿亘其間魏母邱儉討高麗絕沃沮千  
餘里到肅慎南界則沃沮者實卽今之窩集也

臣  
秋濤謹案

欽定開國方略天命天聰年間屢征東海渥集部渥集  
卽窩集蓋其人散居窩集之中卽以爲部落名

也至古人以此名國尙不止沃沮一國如元魏之勿吉國隋唐之靺鞨國唐之拂涅部遼之屋惹國皆卽窩集二字譯寫各異其以老林爲窩集而因以名國則數千年未有改也諸國事實詳見正史謹考其命名之本義如此

### 吉林黑龍江窩集

納穆窩集

滿洲語納穆生菜也在吉林城東一百二十里高三百餘丈城東南諸河

俱發源於此西  
接納穆達巴罕

塞齊窩集

滿洲語塞齊劃破之謂也在吉林城東二百十二里高五里週圍十里城

東諸河及甯古塔  
諸河俱發源於此

瑪爾瑚哩窩集

在吉林城東  
六百十里

琿托和窩集

滿洲語琿托和半也在  
吉林城東七百六十里

聶赫窩集

滿洲語聶赫鴨也亦作尼  
葉赫在吉林城東八百里

蘇扎哈窩集

滿洲語蘇扎哈已支也在吉林城  
東一千里東南曰鄂勒歡綏芬

勒富窩集

在吉林城東南一千五百  
四十里勒富窩河發源於此

烏蘇哩窩集

在吉林城東  
二千二百里

納秦窩集

滿洲語納秦海青也在吉林城東南  
七百三十里長白山之北崇岡疊嶺

茂樹深林百餘里城  
南諸河俱發源於此

色勒窩集

滿洲語色勒鐵也在吉林城東南四百五十里

庫勒納窩集

在吉林城西南一百四十里東接庫勒亨窩集北接庫楞窩集其南

卽長嶺子城

西諸河俱發源於此乾隆十九年

高宗東巡有御製駐蹕庫

勒納窩集口詩

納嚕窩集

在吉林城西南五百四十九里卽分水嶺之南密林叢翳周數十里城西

南諸河及興京界內諸河俱發源於此

錫蘭窩集

滿洲語錫蘭相連也在吉林城東北一百九十五里

和倫窩集

在吉林城東北二百五十三里西接鄂多諾山

瑪延窩集

在吉林城東北四百五十里

小窩集

在吉林城東北  
八百三十里

佛勒亨窩集

滿洲語佛勒亨草棚也在  
吉林城東北一千五百里

畢展窩集

在吉林城東北  
一千七百里

奇穆尼窩集

在吉林城東北一  
千七百四十里

吉林窩集

在吉林城東北  
二千一百里

亨庚窩集

在吉林城東北三千五十里  
臣秋濤謹案一作亨根倭集

敦敦窩集

滿洲語敦敦小蝶也在吉  
林城東北三千四百里

都林窩集

滿洲語都林一半也在吉  
林城東北三千六百里

阿庫密窩集

滿洲語阿庫密魚皮衣也在甯  
古塔城東一千四百二十里

僧庫勒窩集

滿洲語僧庫勒韭菜也在甯古塔城東二千一百十四里

畢楞窩集

滿洲語畢楞母虎也在甯古塔城東二千二百十六里

克哱穆窩集

滿洲語克哱穆城塚也在甯古塔城東二千三百三里

畢哱根窩集

滿洲語畢哱根柳條邊也在甯古塔城東二千六百五十九里

佛楞窩集

在甯古塔城南八十七里

索爾和綽窩集

在甯古塔城南一百里

瑪爾呼哩窩集

在甯古塔城南一百五十里噶哈哩河發源於此

珊延畢爾罕窩集

在甯古塔城東南五十里

阿勒哈窩集

在甯古塔城東北六百三十餘里

巴蘭窩集

滿洲語巴蘭形勢也在甯古塔城東北六百五十里在混同江之北相近

有巴  
蘭屯

屯窩集

滿洲語屯海島也在甯古塔城東北八百餘里在巴蘭窩集之東混同江北臣

秋濤謹案一  
作吞窩集

溫登窩集

在甯古塔城東北一百一十里在混同江北

都爾窩集

在甯古塔城東北一百二十里在溫登窩集之東

喀穆尼窩集

在甯古塔城東北一百四十五里在黑龍江東

畢歆窩集

滿洲語畢歆鞍轡平飾伴也在甯古塔城東北一千七百餘里

和羅窩集

滿洲語和羅山谷也在甯古塔城東北一千七百餘里

庫嚕窩集 滿洲語庫嚕孛餅也在甯古塔城東北一千八百餘里在塔穆尼窩集之東

明噶哩窩集 在甯古塔城東北一千八百五十七里

莊藹窩集 在甯古塔城東北二千二百五十九里

庫勒克窩集 在甯古塔城東北二千二百六十四里

海蘭窩集 在甯古塔城西北二百里西接畢爾罕窩集連接瑪展窩集綿亘數百里

畢爾罕窩集 在甯古塔城西北二十里西接塞齊窩集

庫穆哩窩集 蒙古語庫穆哩器叩著也在黑龍江城西南一百五十里

呼瑪爾窩集 在黑龍江城西北七百里



附錄窩集發源諸水

依什河

滿洲語依什羅漢松也在吉林城東一百四十里源出塞齊窩集合噶嚕河

入混同江

額伊呼河

在吉林城東一百四十餘里源出納穆窩集南流合拉發河西入混同江

噶嚕河

滿洲語噶嚕天鷲也在吉林城東一百七十里源出塞齊窩集南流合拉發河

珠嚕多觀河

在吉林城東二百九十里源出塞齊窩集東南會勒富善河

山壁河

滿洲語山壁涼水投物也在吉林城東三百七十里源出塞齊窩集東南會珠嚕

多觀河

綏哈河

滿洲語綏哈艾也在吉林城西四十里源出庫勒訥窩集與蒐登河伊拉齊河

合北流爲鄂河  
北注混同江

蒐登河

在吉林城西八十餘里源出庫勒訥窩集

伊拉齊河

滿洲語伊拉齊第三也在吉林城西九十里源出庫勒訥窩集

薩喇河

滿洲語薩喇繖也在吉林城西一百二十餘里源出庫勒訥窩集北流會伊勒

河們

伊勒們河

在吉林城西一百四十五里源出庫勒訥窩集其東有薩喇河西北流注

之西有勒富都岱二河俱北流注之北流出邊會伊敦河入混同江金史溫屯噶布拉思居長白山阿卜薩河徙隆州額勒敏河額勒敏即伊勒們之轉音也明一統志有伊密河在開原城北四百里源出艾河北山北流合伊圖河入松花江即此按溫屯噶布拉思原

作温屯姑蒲刺史阿卜薩原作阿不辛額勒  
敏原作移里閔伊密原作一迷並乾隆年闕

改譯

勒富河

在吉林城西一百六十餘里源出  
庫勒訥窩集北流入伊勒們河

安巴雅哈河

在吉林城西三百二十餘里源出  
庫勒訥窩集西北會克爾素河

阿濟格雅哈河

在吉林城西三百四十餘里源出  
庫勒訥窩集會安巴雅哈河

克爾素河

在吉林城西四百餘里源出庫勒訥  
窩集北流出邊即遼河上流也其東

北支流曰穆當阿克爾素河乾隆八年  
高宗東巡有御製至克爾素河奉

天官兵  
來接詩

佛爾們河

在吉林城南四十三里源出  
庫勒訥窩集東入混同江

海蘭河

在吉林城南七十里源出庫勒訥窩集東入混同江

得佛河

滿洲語得佛緞幅也在吉林城南七十五里源出庫勒訥窩集東南入輝發河

瑪延河

在吉林城南一百七十里源出庫勒訥窩集東入混同江又有一在城東北百

三十里

輝發河

在吉林城南三百二十里源出納嚕窩集卽雅吉善河圖們河三屯河合流處

東北入混同江明一統志有輝發江源出瀋陽衛廢貴德州東北流入松花江西去開原

城三百五十里卽此

奇爾薩河

滿洲語奇爾薩沙狐狸也在吉林城南四百二十五里源出庫勒訥窩集

東南流入輝發其上流卽曰庫勒訥河

坦頻河

滿洲語坦頻瓶也在吉林城南四百七  
十里源出庫勒訥窩集東南流入輝發

河

布爾堪河

在吉林城南四百七十里源出庫勒  
訥窩集東南流合坦頻河入輝發河

其東南又有支

流曰固恩河

發河

在吉林城南四百七十里源出佛斯亨山  
北流入輝發河又有一在城南六百六十

餘里源出納秦窩集北流至

兩額音合流處入混同江

三屯河

在吉林城南四百八十里源出納魯窩  
集東北流會雅吉善河圖們河即為輝

發河又南有支

流曰塔木品河

圖們河

在吉林城南五百里源出納魯窩集東  
北流合雅吉善河三屯河即為輝發河

明志有徒門河流經建州衛東南一千里入於海卽此又其北有支流曰楊武河西北曰

覺河

幹穆呼河

在吉林城南五百五十里源出納秦窩集北流至三音額音額赤額音兩

河會流處

入混同江

摩克托含哩河

在吉林城南八百二十餘里源出納秦窩集西流入額赫額音

河

佛多和河

滿洲語佛多和柳樹也在吉林城南八百四十餘里源出納秦窩集西流

入額赫額音河河有二一在城東三百八十里源出納穆窩集西流入混同江

泥堪河

滿洲語泥堪漢人也在吉林城南八百七十二里源出納秦窩集西北入額赫

額音河

哈薩喇河

在吉林城北二百十五里源出錫蘭窩集西北流入拉林河

額赫茂河

在吉林城東南六十里源出納穆窩集西流入混同江

拉發河

在吉林城東南九十六里源出納穆窩集卽額伊呼伯辰依什噶嚕四河合流

處西南入混同江

雅們河

在吉林城東南九十八里源出納穆窩集西南入混同江

穆陳河

滿洲語穆陳釜也在吉林城東南三百十里源出塞齊窩集西流入混同江

色勒河

在吉林城東南四百十六里源出塞齊窩集西流入混同江

汗察罕河

蒙古語汗君長也察罕白色也在吉林城東南四百三十里源出塞齊窩

集東南會  
勒富善河

堪濟哈河

滿洲語堪濟哈紅嘴白頭雁也又眼  
下純白牛也在吉林城東南四百三

十里源出塞齊窩集

東南入勒富善河

薩穆什河

滿洲語薩穆什散也在吉林城東南  
四百四十里源出塞齊窩集西南入

混同

江

農額勒海蘭河

在吉林城東南五百八十七里  
源出塞齊窩集西南流入混同

江

達呼河

滿洲語達呼端罩也在吉林城東南六  
百七十里源出納秦窩集西北流入混

同



五里河

在吉林城東南七百七十里源出納秦窩集北流入混同江

吉朗吉海蘭河

在吉林城東南七百九十里源出納秦窩集北流入混同江

庚吉音河

滿洲語庚吉音明也在吉林城東南八百二十七里源出塞齊窩集南流

入混同江

永安錫庫河

滿洲語永安砂也錫庫撒袋內襖格也在吉林城東南九百三十七

里源出納秦窩集

北流入混同江

哈瞻河

滿洲語哈瞻木柵欄也在吉林城東南九百六十餘里源出納秦窩集北流入

混同江

塞珠倫河

滿洲語塞珠倫滑葉菜也在吉林城東南九百九十五里源出納秦窩集

北流入  
混同江

溫德亨河

在吉林城西南五里源出庫勒訥窩集東北入混同江

齊努混河

滿洲語齊努混銀硃也在吉林城西南五十里源出庫勒訥窩集東入溫

德亨  
河

雅吉善河

在吉林城西南五百三十里源出納嚕窩集合圖們三屯卽爲輝發河

蘇克素護河

在吉林城西南五百七十五里源出邊外納嚕窩集西南流入邊門

距奉天府一百  
七十里入渾河

噶桑阿河

在吉林城西南六百餘里源出納嚕窩集入英峩邊會納嚕河卽爲渾河

納嚕河

在吉林城西南六百餘里源出納嚕窩集入英峩邊卽渾河之上流也

馬佳河

在吉林城西南六百九十里源出納嚕窩集西流入蘇子河

尼瑪蘭河

在吉林城西南六百九十里源出納嚕窩集西南流入於蘇子河

哈當阿河

在吉林城西南六百九十里源出納嚕窩集西流入於蘇子河

通錫庫河

在吉林城西南六百九十里源出納嚕窩集西流入於蘇子河

章京河

在吉林城西南七百三十五里源出納嚕窩集西流爲蘇子河

錫勒們河

滿洲語錫勒們鶴也在吉林城西南八百九十餘里源出納嚕窩集東入

三音額  
音河

溫水河

在吉林城西南九百里卽哈勒琿穆克源出納嚕窩集東流入三音額音河

哲松額河

在吉林城西南九百九十餘里源出納嚕窩集東入三音額音河

伊罕河

在吉林城東北二十五里源出納穆窩集西北流入混同江

錫蘭河

在吉林城東北九十五里源出錫蘭窩集西北流入混同江

和倫河

在吉林城東北二百三十里源出和倫窩集北會拉林河

珊延河

在甯古塔城東四里源出珊延畢爾罕窩集西北流入瑚爾哈河

花蘭河

在甯古塔城東五里源出花蘭窩集西北流入瑚爾哈河

尼滿河

在甯古塔城東一千三百五十里源出尼滿窩集西北流入烏蘇哩江

阿庫密河

在甯古塔城東一千三百八十里源出阿庫密窩集

畢歆河

在甯古塔城東一千五百餘里源出畢歆窩集西北流入烏蘇哩江

和羅河

在甯古塔城東一千五百餘里源出和羅窩集西北流入烏蘇哩江

鄂倫河 滿洲語鄂倫肘帶也在甯古塔城東二千五十八里源出薩哈連窩集東流入海

僧庫勒河 在甯古塔城東二千一百十四里源出僧庫勒窩集東流入海

畢楞河 在甯古塔城東二千三百六十里源出畢楞窩集東流入海

克埒穆河 在甯古塔城東二千三百六十九里源出克埒穆窩集東流入海

托穆津河 在甯古塔城東二千八百五十九里源出畢楞根窩集東南流入海

愛呀河 滿洲語愛呀毋貂鼠也在甯古塔城西一百三十里源出畢爾罕窩集南會畢

爾罕河

畢爾罕河 在甯古塔城西一百四十里源出畢爾罕窩集東南流會爲一匯於畢爾

騰湖其東支流

曰額伊呼河

珠克騰河

在甯古塔城西一百六十里源出畢爾罕窩集南流入畢爾騰湖

阿拉河

在甯古塔城西一百七十里源出畢爾罕窩集南流會珠克騰河

搭拉河

在甯古塔城西一百八十里源出畢爾罕窩集南流會阿拉河

都林谷河

在甯古塔城西二百十里源出塞齊窩集南流會勒富善河入畢爾騰湖

佛多和河

在甯古塔城西二百三十里源出塞齊窩集南流會都林谷河又有一在

佛多和

城北

索爾和綽河

在甯古塔城南十里源出索爾和綽窩集北流入瑚爾哈河

噶哈哩河

在甯古塔城南一百五十里源有二一出瑪勒呼哩窩集一出尼葉赫窩

集南流會布爾哈圖河入圖們江

海蘭河

在甯古塔城南四十里源有三俱出西南五百九十里無名山東流入布爾

哈圖河元志和囉噶有和蘭河流入海卽此河有二一在城西北四十里源出海蘭窩集東流入瑚爾哈河又相近有穆霞河亦流入瑚爾哈河

瑪展河

在甯古塔城北五十里源出西北瑪展窩集南流會海蘭河入瑚爾哈河有

二一在城東南五百四十里源出東南瑪展窩集南流入圖們江

舍赫河

在甯古塔城北五十里源出舍赫窩集南流會海蘭河入瑚爾哈河

鄂克托河

滿洲語鄂克托藥也在甯古塔城北五十里源出城北九十里無名小山

南流會海蘭河入瑚爾哈河

扎穆圖河

在南古塔城北五十里源出扎穆圖窩集南流會海蘭河入瑚爾哈河

富達密河

在南古塔城北一百二十里源出富達密窩集南流入瑚爾哈河

薩爾布河

在南古塔城北一百五十里源出薩爾布窩集南流入瑚爾哈河

舒蘭河

在南古塔城北二百五十里源出舒蘭窩集南流入瑚爾哈河

阿木蘭河

在南古塔城北三百里源出阿木蘭窩集南流入瑚爾哈河

安巴河

在南古塔城北三百五十里源出安巴畢喇窩集南流入瑚爾哈河

阿斯罕河

在南古塔城北四百里源出阿斯罕畢喇窩集南流入瑚爾哈河

綏芬河

在南古塔城東南四百四十里源出穆楞窩集南流入海

哈濟密河

在南古塔城東南五百三十里源出錫伯窩集



伊濟密河

滿洲語伊濟密梳頭也又紡線也在甯古塔城東南五百三十里源出錫

伯窩集

們河

在甯古塔城東南五百里源出城東南四百里蘇扎哈窩集東南流入興凱湖

呼蘭河

在甯古塔城東南五百里源出呼蘭窩集南流入圖們江

蘇扎哈河

在甯古塔城東南五百餘里源出城東四百餘里蘇扎哈窩集南流入興

凱湖

呼雅河

滿洲語呼雅海螺也又麋也在甯古塔城東南九百十里源出城東南一千里

窩集中東北流入烏蘇哩江

額伊呼河

在甯古塔城東南一千四百里源出東南無名窩集西北流入烏蘇哩江

額圖密河

在甯古塔城東南一千四百里源出城東南六百里窩集中西北流入烏

蘇哩江

勒富勒河

在甯古塔城東南二千三百十八里源出勒富勒窩集東南流入海

烏爾欽河

在甯古塔城東南二千六百二十八里源出勒富勒窩集東南流入海

瑪爾呼哩河

在甯古塔城西南五十里與阿布等河並源出瑪爾呼哩窩集北流

會瑚爾哈河  
入畢爾騰湖

阿布河

在甯古塔城西南六十五里源出瑪爾呼哩窩集西南流入畢爾騰湖

松吉河

在甯古塔城西南一百里源出瑪爾呼哩窩集流入畢爾騰湖

札津河

滿洲語札津長梁也在甯古塔城西南一百十里源出瑪爾呼哩窩集北流入

畢爾騰湖

呼錫哈哩河

在甯古塔城東北二十五里源出呼錫哈哩窩集北流入瑚爾哈河

尼葉赫河

在甯古塔城東北六十里源出尼葉赫窩集西北流入瑚爾哈河

特林河

在甯古塔城東北七十里源出特林窩集北流入瑚爾哈河

翁錦河

滿洲語翁錦凡物安柄之孔也在甯古塔城東北六百里源出阿勒窩集北

流入混同江

巴蘭河

在甯古塔城東北六百餘里源出巴蘭窩集

屯河

在甯古塔城東北七百里源出屯窩集東南流會十餘水入混同江

溫登河

在甯古塔城東北九百餘里源出溫登窩集南流入混同江

都爾河

在甯古塔城東北一千一百餘里  
源出都爾窩集南流入混同江

庫嚕河

在甯古塔城東北一千五百八十九里  
源出庫嚕窩集東南流入混同江

敦敦河

在甯古塔城東北一千九百五十七里  
源出明鳴哩窩集西北流入混同江

畢呀哩河

在甯古塔城東北二千三百十二里  
源出莊藹窩集西北流入混同江

查克蒐爾河

在甯古塔城東北二千五百八十八里  
源出莊藹窩集西北流入混同江

瑪延河

在阿勒楚喀城東北二百餘里  
源出瑪展窩集北流入混同江

鄂摩和湖

在甯古塔城西一百四十里  
源出畢爾罕窩集南流入畢爾騰湖

附良維弱水考

臣

秋濤謹案後漢書云夫餘國北有弱水晉書

云挹婁國東濱大海北極弱水唐書云貞觀三年以奚國阿會部爲弱水州是良維之地古有弱水而今吉林黑龍江諸境志乘皆無此名胡渭禹貢錐指釋禹貢弱水云弱水下流不知所歸據後漢書云云則似弱水自居延澤東北流歷夫餘挹婁之北境而歸於東海其所行之遠當亦不下黑水也臣秋濤謹案禹貢弱水發源在今甘州府南所入之流沙卽居延澤在今額濟納舊土爾扈特旗北居延澤在沙磧中水至

此已渟而不流東距夫餘挹婁不啻萬里風馬  
牛遠不相及胡渭素精地理之學其爲此言者  
蓋因黃河初源有伏流沙磧潛源重發於星宿  
海之說疑良維之弱水亦卽居延之弱水隱而  
復見耳考之載籍皆無所徵不足信也且水有  
同名而異地者辨方正位難以強合兩弱水水  
名偶同固不得移東以就西矣或曰按滿洲源  
流考未詳夫餘挹婁弱水所在然則良維弱水  
究係何水臣秋溍謹案近人紀述詳考之知古

所謂弱水卽今所謂哈湯也甯古塔紀略云甯

古塔去京四千餘里冬則冰雪載道其深丈

餘其寒令人不能受夏則有哈湯之險數百里

俱是泥淖其深不測邊人呼水在草中如淖者

曰紅鏽水人依草墩而行略一轉側人馬俱陷

所以無商賈往來往來者惟滿洲人而已音信

難得歲僅一至真所云家書抵萬金也後來哈

湯之上俱鋪樹木年年修理往來者始多哈湯

亦作哈呖黑龍江外紀曰相傳齊齊哈爾東北

山中亦產人蓐以路隔紅眼哈坍人不敢過紅  
眼哈坍淤泥地也人行輒陷萬無生理野鳥亦  
不敢落昔年有盜採者紅眼哈坍既凍去將化  
還率以俄倫春爲前導否則路徑易迷虎狼害  
尤不測按此哈湯之源皆出於窩集蓋吉林黑  
龍江二省之境東抵大海北至俄羅斯一帶皆  
叢林密樹鱗次櫛比號爲樹海廣袤幾五六千  
里東方屬甲乙木故有此大林也林中人迹不  
至陽景罕曜落葉常積數尺許雨水泉水皆不



能流盡爲泥滓入者必陷疑於不能載物故古稱弱水非別有一水謂之弱水也窩集亦作烏稽甯古塔紀略亦作烏雞林古稱吉林地曰雞林其取義亦因窩集也我

朝東北境接壤俄羅斯自雅克薩城以東未設卡倫當以弱水爲天然重險謹詳考其說如此若金史載有陷泉屬臨潢府則僅一泉之微不足當弱水之目且地距夫餘挹婁尙遠必非一地諸書或指爲良維弱水故附辨之

朔方備乘卷二十一

知縣吳壽坤初校  
舉人胡景桂覆校

